

陽湖洪亮吉孫星衍同撰

序錄十八

徐效賢明嘉靖中澄城縣知縣詳見職官創修縣志未竟卒繼任者為敖佐取效賢所撰志稿足成之有韓邦奇馬理序及題辭

明南京兵部尚書朝邑韓邦奇澄城縣志序澄城志成敖尹佐刻之本夫志貴明實文次之開卷一覽眾美畢見得志之體矣志蓬萊于溟海退處士于游俠非無文也備虛車爾近見作志者徒以前人目錄分更改華務立殊稱以新耳目然益晦而不能自消而不能真焉焉用志是故於其繪也寧素可也澄城吾西安巨邑舊無志書誠為歎與嘉靖己酉徐尹

澄城縣志卷二十序錄

效賢屬國子生石子道立纂著焉脫稿將梓而徐尹卒庚戌敖尹來治是邦取石子稿更加潤色大光祿筮田馬公述始末為題辭石子復序諸前後石子勤學求志孝廉士也澄邑繁劇素號難治敖尹為政暇及於文事其治行可徵矣為之序

明光祿寺卿馬理澄城縣志題辭世孰為大文獻居先文獻弗足聖明焉傳郡邑有志是謂之文山川聖明賴以著存嗟伊澄城西安巨邑迺無志文君子所急嘉靖己酉徐令效賢有志斯文採獻纂編明季庚戌敖舉佐營踵徐芳躅斯文殫成石子道立文發于賢聚書攷索仍恭秉筆教諭魏孚司訓二王爰加較正借敷腎腸谿田馬氏覽知攸珍是用題辭歸諸梓人

石道立國子監生詳見閩人嘉靖中知縣徐效賢延修縣志效賢卒道立復與知縣敖佐共纂成之凡二卷有序

明石道立澄城縣志序敘曰夫志古國史之流也古史廢於秦而後志興焉郡邑各有志所以明典章寓政化志不作郡邑無史矣是故畿治體者先之澄城久闕志嘉靖丙午邑大夫江津徐侯效賢始請諸湖源楊先生庭纂修之遽卒矣而未就也已酉春再命予小子於是作今志俾將來有攷焉夫惟王體國經野莫先於地縣之建也其興也故受之以地理官府坎舍無去守以聽政也故受之以建置秋報春祈民居廼奠故受之以祠祀時使薄歛民生廼休故受之以田賦奠土質民育才宣化必有司存矣故受之以官師名世才俊光啟後先流風丕式樂故受之以人物事不以類論不以緒可

澄城縣志卷二十序

二

以觀事變編憲亡故受之以雜志終焉藝文必有闢風教政體吏習民隱者依類附錄外是即雄篇巨什悉除不載志凡七篇今拆爲二卷是歲六月四日

姚欽明順治六年官澄城縣知縣詳見職官欽明因嘉靖中徐志申請續修仍分作上下二卷有序及申文附後

姚欽明澄城縣重修縣志序

上龍飛御宇之四年余承乏萍檄至澄及入境見蕭條殘破之狀較他邑尤甚心甚愴之於稽邑乘將管風物土俗之槩又缺如也一日購求得二本乃崇禎乙亥失城後署縣梁丞所重刊者梁丞應故事帑省工費妄加刪削篇帙紛舛亥豕錯訛不堪寓目竊疑十步之澤必有香草豈一洞之內竟無片言隻字可當傳記既而得石明經嘉靖中所撰原志乃有

馬韓二先生序及其中疏章記錄班班有可觀者梁承嗣製
簡率至此將誰咎哉癸未未又付兵燹天其或者不欲因陋
就簡以訛傳訛乎然修復之責烏容緩耶余小子緬短汲長
舉一切建置修築不難勉爲惟是事關憲綱昭示來茲者未
敢率爾况嘉隆以後百十餘年之中軼事又不可以不備徵
文祇據乎現存株守不免失之狹考事或搜乎雜記博綜又
病其未精定品欲採乎家乘任目不免失之徇獨見或出乎
新裁信心又恐其多僻自非博物君子老于掌故者惡能勝
其任而愉快乎余小子移牒文學周諮徵事已乃訪求史筆
咸推繩烈先生先生門庭蕭索澹泊寡營諷咏人代而外宴
如也余造請不獲辭踰歲月而卒業訛者正之缺者補之散
軼者廢續之核而實博而雅微而顯究而文纏纏洋洋卽古
良史何以加焉後之君子倘有志于世代新故之感者更欲
潤澤裒益其間則有是編在余自受事來二年于茲馳驅戎
馬之疆鞅掌供輸之際無食頃小得所慰而獨念茲不忘以
承

國家鼎興之運文獻之重不敢不亟講耳同志者循覽斯文
其知余在徵之心哉

姚欽明重修縣志告成齋投谷上臺申文順治六年八月朔
日登城縣知縣姚欽明竊照

國計民風典文攸寄治蹟邦法圖籍可稽志所繇來尙矣澄
城古潯翊屬邑負山依谷地瘠人愚屈指先代秀出爲艱至
勝國世廟中邑太學石道立始破天荒而爲志頗能採輯舊
闕搆成勝帙方之昔人勤亦至矣其時韓死落馬谿田兩先

生撫事增賞樂爲之敘玄學題辭宣城折簡非止章斯名譽
實欲風激人群開西人文于斯爲極不可謂非兩先生左提
而右挈之也恩廟之初厄于回祿而攝事隣丞借與要典潛
移國帑轍自剷除因陋就簡是猶羅天鳥而鍛羽儀參擾神
物竊領珠而綴之私室也癸甲之際旋罹兵火衆人惜矣君
子則否卑職于今

上四年冬入境受事爰詢舊志來灰燼荒涼徒增歎慨于是懸
金廣募并得二書以彼較此固不可同年而語矣傳求故實
按籍興除因時制宜頗得要領其時人緣林者萬族同孤城
者四家執及前驅荷戈登雉偃武修文終未能也因念

皇清肇興文命鼎運維新薄海內外野史釋官罔不弋入內
府以備採擇况縣志一書土田川原戶口阨塞以及維正之
貢軍興之需人民習尙建置沿革風教固殊總裁斯冊各

宣城縣志卷二十

四

憲臺膺命巡方觀風問俗率皆簡閱遺文以相時勢播仁風
而坐視殘缺罔俾興復兩載以來良獨內媿不圖遺獻近在
此邦訪得邑鄉紳前東光令路世美門庭蕭索澹泊寡營諷
咏人代而外宴如也卑職造廬躬請爰任斯役歷夏徂秋遂
得告成卑職開函三復虛心詳較見其補遺正訛援古酌今
其間商確時政如披陸公之疏璽念民瘼竟同長沙之哭稽
昔獻吉慶陽于麟濟南兩志傳播海內繼倡英風不意于今
嗣鳴大雅允稱高文不媿良史雖慙卑職捐俸之初心實關
下邑備考之掌故理合齎投仰憑垂鑒伏乞

照詳施行

路世美縣人官東光縣知縣詳見聞人順治中知縣姚欽明經

修縣志有序

路世美重修澄城縣志序按澄志纂自外王父楊公庭修于諸親石氏道立二公故博洽又得谿田苑維爾先生爲鑿定訝鼓之誦吾知免矣後有作者卽窮死委蒐梓史不過如大家之續漢書組紉補綴已耳敢變例壽矧志以傳信不信胡傳苟傳矣而猶不信則好行小慧者本欲矜蟲魚反不辨鼠璞矣卮言副墨又安用之我澂當明季甲戌間羅兵燹志與城俱去收復餘燼者應故事以殘斷付剗余每傷之自起家東陽以至賦遂初又歷年所修復之懷無晷不在隰桑之末也爾乃滄海桑田耆舊凋零城郭人民已非誰復操鉛槧以從事者金陵姚侯欽明竭來應

運百廢俱舉不期月而改觀尤念文獻之重俾余忝預茲役

澄城縣志卷二十序

五

夫有其志之又多乎哉殫余數十年之心之見聞期不戾于舊章斯已矣昔人云孔子韋編三絕起而作春秋裕如也余家世學易于外王父雖不知春秋大義爲何在然用以不沒人善也則有之焉順治六年如月上澣置谷老人七十翁前直隸河間府東光縣知縣繩烈甫路世美書

戴治澄城縣知縣乾隆四十八年申請續修縣志又自撰志稿二卷有序

戴治續修澄城縣志序澄城當關輔之北控接延鄜屏障馮翊前拱原阜後倚山隴大谷諸河帶於左甘泉諸水環於右秀擁羣峰靈通長壑前代置郡良有以也唐宋迄勝國皆縣之比代以來鮮有著作嘉靖間葛太守徐公效賢屬明經石道立始爲志序則韓苑洛馬谿田應元生當是時民氣耗矣俗

亦稍頽焉我

朝順治六年邑東光令路公世美補續邑令姚公欽明稱其商確時政如披陸公之疏歷念民瘼寔同長沙之哭則澄之人民其凋殘於前代之瘡痍者可想也其用意可不謂勤與自時厥後

國家休養生息久道化成澄民止知有生之樂雖耄耋不復能道昔日困殘之狀澄士類能敦詩書說禮樂以教於鄉里黨義行巾幗完人又比比是蓋距東光續志時百餘年於茲矣初余宰斯邑徵文考獻惟東光續志二冊僅存夫以澄之耗斁如昔傷殘如昔徐姚二公乃能開創增修徵信一邑垂告百世而百餘年來城社改觀桑麻盈疇戶口蕃禮俗成科第宦達亦復蒸蒸日盛不有志以表之余寔懼焉奚啻無以

澄城縣志卷二十序錄

步賢宰後耶癸卯春始集紳士里老共議之議既成請於大中丞畢暨各憲悉見可迺取舊志借諸紳士存其資於治當於理而明且確者裁定志稿二卷書成適余調任安康紳士請有言以弁其端惟余自戊子官澄城昕夕祇懼時與無訛於理澄之人果安於余而不吾議也如是者十有餘年執掌久煩兼愧謫簿方虞無以闡文獻而光史冊所幸此邦事宜舊經熟悉又與澄之薦紳故老參互考訂此志一成疆域建置如指掌徭役田賦如列眉人物選舉忠孝節義足以彰往而興起將來職官一冊亦得緣考其治行俾澄之人知生太平之世沐浴膏澤涵濡教化視石路二君修志時不可同年而語則百餘年來所以成此書者其來有自余何力之有焉然澄人殊樂予闡予之去而不無繼繼也至取前後行政

爲之傳余其能與徐姚二公並哉余止書其蒞官始末次於編餘悉去之以俟後之君子

洪亮吉江蘇陽湖人字穉存乾隆庚子舉人與同縣貢生孫星衍季仇于四十八年二月上浣知縣戴治延修縣志凡四月書成共二十卷詳見自敘

洪亮吉新修澄城縣志序一方之志始于越絕後有常璩華陽國志越絕先記山川城郭冢墓次以紀傳實後世志州縣者所做華陽國志則有郡縣廢置李吉甫元和郡縣志樂史太平寰宇記體例亦最善吉甫則徵引書傳不著所自樂史則全用舊說尤廣異聞而附以土產人物至祝穆方輿覽勝又采入詩文于是後之志州縣者舍地理而濫徵名宿略方域而博采詞章有去本求末流蕩忘歸者焉關中地大物博

且宋敏求長安志程大昌雍勝略等開其先以爲當有善志而世所傳康海武功志韓邦靖朝邑志皆以意排纂漫無體例由明世書傳少出學士大夫爭以空言相倚不重舊聞無足怪焉澄城爲漢徵縣地韋昭云徵音懲懲澄同聲後人悞爲澄縣屬若王官若元里若南郊北郊邠新城北徵杜平等皆周秦舊邑若三門若五泉皆後魏舊縣均有墟址可考幅頓雖狹實爲三輔名縣舊志創于明嘉靖中至

國朝順治六年續修然均值縣境多事之時未及精審乾隆四十八年知縣戴君有重修縣志之請巡撫畢公因屬亮吉爲排纂之凡四閱月成共二十卷縣第一城第二鄉第三山第四四川第五廟第六冢墓第七學校第八道里風俗地丁銀糧第九職官第十封建第十一科貢第十二閩人第十三列

女第十四金石第十六文藝第十七序錄第十八一以輕重
緩急爲先後而建置省并繁縷而統轄城郭鎮堡寺廟解字又
均采十七史地志及諸地理書皆闕者始以舊志參州志通
志補之而傳聞之未信方冊之難憑者咸無取焉蓋以信今
傳後非徒爲立異云爾時乾隆四十八年歲在癸卯五月端
午日序

